

և այլ անուաններ առած. լեռներով շրջապատած է. աստի ևս այս շղթայն այլ և այլ անուաններով կը հասնի Մասիս, որ կայ ուղղակի յարևելս կոյս:

Մենակ լեռներու հիւսիսային կողմն կայ Քանտիլի գեռան իսկ շղթային վերայ Ղզըլ—Ձիարէթ (կարմիր ուխտ) լեռն, որ շղթայի վերան է, որոյ գագաթը կը գտնուի մատուռ մի, մատուռի տակից երկու ջրաղաց դարձնելու ջուր կը բղխի ևլն:

#### Կ Ի Բ Ճ (Կետուկ)

Բագրեանդ լեռնային է ընդհանրապէս և լեռնաշղթաներով փակուած է, տեղ տեղ կը տեսնուին անցքեր, որպէս դուռ ի հիւսիս կամ ի հարաւ կը բացուին, այս անցքեր  $\frac{1}{2}$ -1 կամ 2 ժամ կերկարին երբեմն նեղ ու մուտ ձորակով երկու կողմից անհնարինս բարձրացած ժայռերով շրջապատած.

Բագրեանդայ շուրջն պատած լեռնաշղթայն եթէ պարիսպ համարենք, կիրճերն են նաև նորա երկաթեայ դռներն, որով արտաքին դաւառներու հետ յարաբերութեան մէջ կը մտնէ. բաց ի Մուրատ կամ Արածանի գետի ընթացքէ, որ երկու ափերու վերայ ընդարձակ անցք թողած է, սակայն այն ևս պարսպած են աջ կողմից ի Մուրատ իջնող Շեռեան և Քեսուկ գետերն:

1) Ջիլուայ կետուկ, որ Սալեազ լեռնահովտի

---

հայ գիւղացւոց հետ խառն, 1870 թուականներէն սկսեալ սկսան գաղթել իւրեանց ազգակցաց մօտ, որ հանդիստ կապրէին շատ անգամ, քրդական մեծ ցեղերու հետ ընդհարումներ կունենային.